


ANGLUNO JEKHTANES ELEKTRONIKANO MANUŠENGERO RACHINKERIBEN, KHEREN THE BITEN

Klikos pedal feder tajsaskero koter



Berš 2021 ela pedal amende prekal tajsaskero koter but interesno berš. Andre Slovakiya pes pal 10 berša kerela rachinkeriben vaš manuša, khera the biti. Anglunes jekhvares ela integrimen the jekhetanes elektronikano.

Integrimen the elektronikano rachinkeriben anel peha but federipena:



puntošneder the feder informacii



bidarangutņipen



chasņaripen vaš dživipnaskero pašal'ipen



charneder vacht paš irišagos

Manušengero rachinkeriben predžala andal 15. februariste 2021 dži 31. marcoste 2021

KO PES ZATHOVELA ANDRO MANUŠENGERO RACHINKERIBEN?

Te zathovel pes andro rachinkeriben hino pravos the povinosťa dojekh themutnes andal Slovakiyaker republika. Pedal rachibnaskero chasņariben pes themutno acha'ol dojekh dženo, kas hin **andre Slovakiyakeri republika zaterdlo, phiribnaskero, sakod'isutno vaj tolerimen zabešiben.**

RACHINKERIBEN SIG THE PROSTO

O themutno pes rachinkerela korkoro vaj le šegitišagoha le pašutno dženeha prekal kompjutros, tabletos vaj mobilos sphandlones le internetoha. Rachinkerdo formularis ela zachudlo pro webos **www.scitanie.sk** vaj pes o themutno rachinkerela prekal **mobilno aplikacija.**

Andro dojekh gav ela zathodo kontaktiko than, kaj le manušenge, so pes našti korkore rachinen, šegitina **stacijonarna asistenta.** Prekal mangavipen šegitina the **čaladune asistenta,** save kaj kampela, ta džana khere ko themutnen.

Savore informacii, so o themutno prekal rachinkeriben zathovela andro formularis, musaj te avel akanutna **ko rachinkeribnaskero d'ives,** savo ela **1. januariste 2021.**

ZAARAKHIBEN VAŠ ELEKTRONIKANO RACHINKERIBEN

Prekal rachinkeriben vaš manušen, kheren the biten beršeste 2021 ela zathodo **but baro zaarakhiben vaš dženengere informacii.** Sa dodžanle informacii ena zathode the zaarakhade anglal zamukhl'ipen.

CHASNA THE RACHINKERIBNASKERO MANDAIPEN

Anel peha but bare informacii pal socijeta, pal lakere demografikane, socijalno-ekonomikakere the kulturakere štrukturi, pal dživipnaskere telethod'ipena le manušen the lengero zabešiben.

